

ZAPISNIK SA
KONSTITUIRAJUĆE SKUPŠTINE KANTONA SARAJEVO
održane 21.11.2014.godine sa početkom u 10, sati u sali Općine Centar

Otvarajući Konstituirajuću sjednicu Predsjedavajuća Mirjana Malić iz prethodnog saziva je pozdravila novoizabrane poslanike/zastupnike u Skupštini Kantona Sarajevo, kao i sve one koji su tu dužnost obavljali do sada, članove Vlade Kantona Sarajevo, predstavnike Grada Sarajeva, sve predstavnike općina, općinskih vijeća, uvažene predstavnike CIK-a, predstavnike sindikata i udruženja, predstavnike Međunarodne zajednice kao i predstavnike medija koji prate rad Konstituirajuće sjednice.

U skladu sa odredbama Izbornog zakona i Poslovnika Skupština Kantona Sarajevo Dnevni red Konstituirajuće sjednice Skupštine Kantona Sarajevo glasi:

1. Uručivanje uvjerenja o dodjeli mandata novoizabranim zastupnicima u Skupštini Kantona Sarajevo;
2. Konstituisanje klubova naroda i kluba Ostalih u Skupštini Kantona Sarajevo;
3. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo;
4. Prijedlog za izbor povremene Komisije za izbor delegata u Dom naroda Parlamenta FBiH;
5. Izbor delegata u Dom naroda Parlamenta FBiH.

AD – 1.

URUČIVANJE UVJERENJA O DODJELI MANDATA NOVOIZABRANIM
POSLANICIMA/ZASTUPNICIMA U SKUPŠTINI KANTONA SARAJEVO

U skladu sa odredbama člana 8. Poslovnika Skupštine Kantona Sarajevo gđa. Malić je predočila dostavljeni Izvještaj Izborne komisije BiH o ovjeri mandata osobama koje su dobile poslanički/zastupnički mandat.

Ovjereni mandat dobili su sljedeći poslanici/zastupnici:

1. Kemal Ademović – Bošnjak – SDA
2. Goran Akšamija – Bošnjak – DF Željko Komšić
3. Neira Avdibegović – Bošnjakinja - DF Željko Komšić
4. Ana Babić – Hrvatica – SBB Fahrudin Radončić
5. Izudin Bajrović – Bošnjak – SBB Fahrudin Radončić
6. Dževad Bećirević – SDP BiH
7. Nermin Bjelak – Srbin- BPS Sefer Halilović
8. Sejo Bukva – iz grupe Ostalih – DF Željko Komšić
9. Mirza Čelik – Bošnjak – SDA
10. Eldar Čomor – Bošnjak – SDA
11. Sabina Ćudić iz grupe Ostalih – Naša stranka
12. Sabahudin Delalić – Bošnjak – SDA
13. Amar Dovadžija – Bošnjak – SDA
14. Selma Filipović – Bošnjakinja – SBB Fahrudin Radončić
15. Edin Forto – iz grupe Ostalih – Naša stranka
16. Semir Halilović – Bošnjak – BPS Sefer Halilović
17. Ismir Jusko – Bošnjak- SBB Fahrudin Radončić
18. Bibija Kerla – Bošnjak – DF Željko Komšić
19. Predrag Kojović – Srbin – Naša stranka
20. Elmedin Konaković – Bošnjak – SDA

21. Muhamed Kozadra – Bošnjak – SDA
22. Zvonko Marić – Hrvat – SBB Fahrudin Radončić
23. Amor Mašović – Bošnjak – SDA
24. Amel Mekić – Bošnjak – SDA
25. Elvedin Okerić – Bošnjak – SDA
26. Mersiha Omerbegović – Bošnjakinja – DF Željko Komšić
27. Mirsad Pindžo – DF Željko Komšić
28. Haris Pleho – Srbin – BOSS Bosanska stranka Mirnes Ajanović
29. Fikret Prevljak – Bošnjak – SDA
30. Dževad Rađo – Bošnjak – SBB Fahrudin Radončić
31. Rasim Smajić – Srbin – BOSS Bosanska stranka Mirnes Ajanović
32. Adnan Solaković – Bošnjak – SBB Fahrudin Radončić
33. Segmedina Srna Bajramović – iz grupe Ostalih – SDP BIH
34. Slaviša Šućur – Srbin – SDP BIH
35. Mario Vukasović – Hrvat – DF Željko Komšić

Predstavnik CIK-a Jusuf Subašić je pozdravio prisutne te izrazio nadu i vjerovanje da će u narednom četverogodišnjem mandatnom periodu opravdati povjerenje koje su dobili od svojih glasača. Posao koji slijedi nakon konstituirajuće sjednice je izbor delegata u Dom naroda Parlamenta FBiH. U skladu sa odredbama Izbornog zakona ovaj posao treba biti završen u roku od mjesec dana od dana potvrđivanja izbornih rezultata, znači do 10.12.2014.godine.

Gospodin Aljović Hamed je dobio mandat nakon što Dževad Bećirović nije prihvatio mandat.

Kako je predviđeno članom 8. stav 2. Poslovnika Skupštine Kantona Sarajevo poslanici/zastupnici preuzimaju dužnost zajedničkim davanjem i pojedinačnim potpisivanjem Svečane izjave.

Pristupilo se čitanju i potpisivanju svečane izjave

«SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE».

Kako je realizacija narednih tačaka dnevnog reda moguća tek nakon formiranja klubova naroda, i prijedloga za novo rukovodstvo Skupštine Kantona Sarajevo, gđa Malić je prekinula zasjedanje sjednice do izbora novoga rukovodstva.

ZAPISNIK SA

NASTAVKA KONSTITUIRAJUĆE SJEDNICE SKUPŠTINE KANTONA SARAJEVO
ODRŽANE 23.12.2014.GODINE SA POČETKOM U 10,00 SATI U SALI GRADSKOG
VIJEĆA

Predsjedavajući Konstituirajuće sjednice Kemal Ademović je pozdravio prisutne i konstatovao da prema evidenciji Službe, sjednici prisustvuje 35 zastupnika, što je dovoljan broj za punovažan rad i odlučivanje.

Podsjetio je prisutne da je na prethodnom zasjedanju koje je održano 21.11.2014.godine je završena prva tačka dnevnog reda, odnosno da je izvršena samo dodjela mandata novoizabranim poslanicima /zastupnicima.

Obzirom da je uvažena poslanica/zastupnica Bibija Kerla bila odsutna tada, iz opravdanih razloga potrebno je pristupiti uručivanju uvjerenja o dodjeli mandata uvaženoj gospođi, kako bi mogla položiti Svečanu izjavu i pristupiti punovažnom radu.

Nakon tog,a uslijedilo je imenovanje Komisije za izbor i imenovanja i administrativna pitanja, koja će ujedno imati i ulogu Komisije za izbor delagata u Dom naroda Parlamenta F BiH.

Dnevni red nastavka Konstituirajuće sjednice:

1. Uručivanje uvjerenja o dodjeli mandata zastupnici u Skupštini Kantona Sarajevo Bibiji Kerli;
2. Prijedlog za izbor Komisije za izbori imenovanja i administrativna pitanja Skupštine Kantona Sarajevo;
3. Konstituisanje klubova naroda i kluba Ostalih u Skupštini Kantona Sarajevo;
4. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo;
5. Izbor delegata u Dom naroda Parlamenta FBiH.

AD – 1.

URUČIVANJE UVJERENJA O DODJELI MANDATA ZASTUPNICI U SKUPŠTINI KANTONA SARAJEVO GOSPOĐI BIBIJI KERLI

Zastupica Bibija Kerla je preuzela Uvjerenje i položila zakletvu. Ovim je završena prva tačka dnevnog reda.

AD -2.

PRIJEDLOG ZA IZBOR KOMISIJE ZA IZBOR IMENOVANJA I ADMINISTRATIVNA PITANJA SKUPŠTINE KANTONA SARAJEVO

Gdin. Ademović je obavijestio prisutne poslanike/zastupnike da je sačinjen prijedlog za izbor Komisije za izbor i imenovanja i administrativna pitanja, koji su dostavili predsjednici pet klubova u Skupštini Kantona Sarajevo i to:

1. Konaković Elmedin – predsjednik SDA
2. Pindžo Mirsad – zamjenik DF
3. Akšamija Goran – član DF
4. Kojović Predrag član – Naša stranka
5. Rađo Dževad – član SBB
6. Srna Segmedina – član SDP
7. Čomor Eldar – član SDA

Pristupilo se glasanju o ovome Prijedlogu odluke.

Gdin. Ademović je konstatovao da je Skupština jednoglasno (35 „ZA“) usvojila Odluku o formiranju Komisije za izbor i imenovanja i administrativna pitanja Kantona Sarajevo.

Zadatak ove komisije jeste da odmah poslije ove sjednice pripremi i Centralnoj izbornoj komisiji prosljedi liste za delegate za Dom naroda.

AD – 3.

KONSTITUISANJE KLUBOVA NARODA I KLUBA OSTALIH U SKUPŠTINI KANTONA SARAJEVO

U okviru ove tačke dnevnog reda, a u skladu sa odredbama čl. 9. i 10. Poslovnika Skupštine Kantona Sarajevo koji regulišu konstituisanje klubova naroda potrebno je formirati klubove naroda, a to su:

- Klub Bošnjaka;
- Klub Hrvata;
- Klub Srba i
- Klub Ostalih

Ako u Skupštini nema izabranih predstavnika nekog od konstitutivnih naroda ili Ostalih, klub tog naroda neće biti formiran.

Svaki klub naroda i Ostalih bira predsjednika, a može izabrati i zamjenika predsjednika, koji rukovode klubom i usklađuju njegov rad.

Poslovníkom o radu klubova naroda i Ostalih svaki će klub urediti način svoga rada.

Svaki klub naroda i Ostalih bira i predlaže među svojim članovima jednog kandidata za mjesto predsjedavajućeg ili zamjenika predsjedavajućeg Skupštine.

Skupština glasanjem potvrđuje izbor kandidata, i to natpolovičnom većinom od ukupnog broja izabranih zastupnika u Skupštini.

Četiri kandidata čiji je izbor potvrdila Skupština između sebe odlučuju ko će biti predsjedavajući Skupštine i odluku saopćavaju Skupštini.

Ako u Skupštini nema zastupnika, odnosno kluba nekog od konstitutivnih naroda i Ostalih, mjesto zamjenika predsjedavajućeg Skupštine iz tog konstitutivnog naroda i Ostalih ostaje upražnjeno.

Prije konstituisanja Klubova naroda prisutnim poslanicima/zastupnicima se obratio v.f. premijera Muhamed Kozadra: „Pošto mi imamo obaveze koje su propisane Zakonom o budžetima koje moramo donijeti prije 31.12. tekuće godine za finansiranje potreba Kantona u prvom kvartalu, one se donose obzirom da Budžet nije donešen do 31.12. i ta odluka može samo da služi za izvršavanje obaveza do 31.03. tekuće godine. Govorim o 2015. godini. Ista ta odluka mora se donijeti za Zavod zdravstvenog osiguranja i za Službu za zapošljavanje. Znači oni po istom principu kao i Zakon o budžetima mora za ovaj period se mora donijeti. Dalje, imamo Odluku o reprogramu obaveza po kreditu vanjskog zaduženja. Znači FBiH je donijela i država BiH je postigla sporazume sa MMF-om o reprogramu dijela obaveza koje su trebale se isplatiti tokom ove godine. Međunarodna zajednica je zauzela stav da se prolongiraju te obaveze. One su prolongirane onog momenta kada je došlo do poplava, prirodne katastrofe i mi moramo donijeti takvu odluku kako bi ušli u red svih Kantona i svih nivoa vlasti koji su reprogramirali. I treća, odnosno najznačajnija odluka koja mora biti do petka donešena. Znači MMF je isto slijedom ove prirodne katastrofe dodijelio 40 miliona kantonima pod istim uvjetima kako je i bio IV Stand by aranžman po kriterijima kako se raspoređuju ostai prihodi, odnosno prihodi od indirektnog oporezivanja prema svim

kantonima. I još su ostala dva Kantona ZDK i mi nismo donijeli takvu odluku o zaduženju. Radi se o 11.700.0000 KM kreditnih sredstava koje treba da do petka donesemo i dostavimo takvu odluku prema FBiH kako bi transferirali ove obaveze. U tom smislu ako mi ne donesemo takvu obavezu, po odluci Vlade FBiH ta sredstva će biti raspoređena prema onim kantonima po istom ključu kako jeste. Stoga ja bih zamolio zaista obzirom da smo mi početkom 11 mjeseca donijeli Rebalans budžeta Vlada ga je prosljedila u skupštinsku proceduru i zbog evo nefunkcionisanja, odnosno nemogućnosti da zakonodavno tijelo radi, ja bih zamolio, zatražio hitnu sjednicu kako bi se sve ove tačke stavile na razmatranje i na donošenje, kako bi mogli mi prema višim nivoima vlasti. Radi se o supsidijarnim odlukama koje moramo donijeti mi kako bi Federacija isto to potvrdila i prosljedili prema državi BiH“.

Predsjedavajući Ademović je predložio da se održi hitna sjednica u petak 26.12.2014.godine, u 10,00 sati.

Na prijedlog Kemala Ademovića, Skupština je jednoglasno usvojila sljedeći

ZAKLJUČAK:

„SKUPŠTINA UTVRĐUJE POTREBU ZA ODRŽAVANJE HITNE SJEDNICE SKUPŠTINE ČIJI TERMIN ZAKAZUJEMO U PETAK 26.12.2014.GODINE U 10,00 SATI.“

Prvi nastavak Konstituirajuće sjednice je prekinut, a nastavak će uslijediti kada se ispune potrebni uslovi.

ZAPISNIK SA 2. NASTAVKA KONSTITUIRAJUĆE SJEDNICE SKUPŠTINE KANTONA SARAJEVO ODRŽANE 07.01.2015.GODINE

Otvarajući Drugi nastavak Konstituirajuće sjednice zamjenik predsjedavajuće Kemal Ademović, je pozdravio uvažene kolegice i kolege zastupnike, premijera, članove Vlade, predstavnike javnih institucija, udruženja građana, predstavnike Međunarodne zajednice.

Prema evidenciji Službe, sjednici je prisutno svih 35 zastupnika.

Na prethodnim nastavcima, koji su održani 21.11. i 23.12.2014. obrađene su dvije tačke dnevnog reda, odnosno, izvršena je dodjela mandata novoizabranim zastupnicima i imenovana Komisija za izbor i imenovanja i administrativna pitanja.

Za drugi nastavak Konstituirajuće sjednice preostale tačke dnevnog reda su:

1. Izbor delegata u Dom naroda Parlamenta FBiH
2. Konstituisanje klubova naroda i kluba Ostalih u Skupštini Kantona Sarajevo
3. Potvrđivanje prijedloga kandidata za izbor predsjedavajućeg i zamjenika predsjedavajućeg Skupštine Kantona Sarajevo

AD – 1.

IZBOR DELEGATA U DOM NARODA PARLAMENTA FBiH

U skladu sa Izbornim zakonom BiH u Dom naroda Parlamenta FBiH bira se 11 delegata i to: 3 Bošnjaka, 1 Hrvat, 5 Srba i 2 iz reda Ostalih.

Uz poziv za sjednicu poslanici/zastupnici su dobili Uputstvo o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine.

Ispred Komisije za izbor i imenovanja i administrativna pitanja zastupnik Elmedin Konaković opisao rad komisije u predhodnom periodu. Komisija je imala je nekoliko sjednica, te se došlo u fazu da se može zvanično izjašnjavati za Dom naroda. Glasanju će pristupiti na način da će Služba ovdje prozivati pojedinačno svakog od poslanika/zastupnika, koji će doći uzeti svoj listić, zaokružiti na onoj listi na kojoj ima svoje kandidate. Nakon toga Komisija će izvršiti verifikaciju, brojanje i time napraviti zapisnik koji ide prema CIK-u.

Prije glasanja nastupila je rasprava o statusu zastupnika Harisa Plehe, Nermina Bjelaka, Rasima Smajića i Sabine Čudić, u kojoj su učestvovali: Kemal Ademović, Slaviša Šućur, Elmedin Konaković, Haris Pleho, Mirsad Pindžo, Predrag Kojović, Segmedina Srna Bajramović, Semir Halilović i Sabina Čudić.

Poslije diskusija Gdin. Ademović je zatražio pauzu kako bi se pripremili odgovarajući zaključci.

NASTAVAK NAKON PAUZE

Gdin. Ademović je pročitao zaključak koji glasi:

Predlaže se Skupštini Kantona Sarajevo da se izjasni o statusu zastupnika Harisa Plehe, Nermina Bjelaka, Rasima Smajića i Sabine Čudić, i to imenovani zastupnici ostaju da rade u klubovima naroda po izjašnjenju u izbornom ciklusu 2014-2018, bez pasivnog biračkog prava u procesima u kojima je etnička opredijeljenost relevantna.

ZA je glasalo 21 PROTIV 2 I 9 SUZDRŽANIH.

Zastupnik Rađo Dževad (govori bez uključenog mikrofona) izrazio sumnju u glasanje pa se šristupilo poimeničnom glasanju.

Pomoćnik sekretara Almira Kulovac Šetkić provodi pojedinačnu prozivku.

1. Ademović Kemal - SUZDRŽAN
2. Akšamija Goran - ZA
3. Aljović Hamed - SUZDRŽAN
4. Avdibegović Neira - ZA
5. Babić Ana - SUZDRŽANA
6. Bajrović Izudin - ODSUTAN
7. Bjelak Nermin - SUZDRŽAN
8. Bukva Sejo - ZA
9. Čelik Mirza - ZA
10. Čomor Eldar - ZA
11. Čudić Sabina - ZA
12. Delalić Sabahudin - ZA
13. Dovadžija Amar - ZA
14. Filipović Selma - ODSUTNA
15. Forto Edin - ZA

16. Halilović Semir - ZA
17. Jusko Ismir - SUZDRŽAN
18. Kerla Bibija - ZA
19. Kojović Predrag - ZA
20. Konaković Elmedin – ZA
21. Kozadra Muhamed - ZA
22. Marić Zvonko - SUZDRŽAN
23. Mašović Amor - ZA
24. Mekić Amel - SUZDRŽAN
25. Okerić Elmedin - ZA
26. Omerbegović Mersiha - ZA
27. Pindžo Mirsad - ZA
28. Pleho Haris - PROTIV
29. Prevljak Fikret - ZA
30. Rađo Dževad - SUZDRŽAN
31. Solaković Adnan - ODSUTAN
32. Smajić Rasim - PROTIV
33. Srna-Bajramović Segmedina - SUZDRŽANA
34. Šućur Slaviša - SUZDRŽAN
35. Vukasović Mario - ZA

Nakon prebrojavanja Skupština je sa 20 glasova ZA, 2 protiv i 10 suzdržanih i 3 nisu glasala, usvojila prijedlog Zaključka, koji je postao Zaključak Skupštine Kantona Sarajevo, koji glasi:

Imenovani zastupnici ostaju da rade u klubovima naroda po izjašnjenju u izbornom ciklusu 2014-2018, bez pasivnog biračkog prava u procesima u kojima je etnička opredijeljenost relevantna.

Pristupilo se glasanju za Dom naroda F B i H

Nastupila je pauza kako bi Komisija za izbor i imenovanja pripremila izvještaj CIK-u o rezultatima glasanja.

NASTAVAK NAKON PAUZE

Poslanik/zastupnik Elmedin Konaković je ispred Komisije obavijestio prisutne o rezultatima glasanja:

LISTA ZA IZBOR DELEGATA U DOM NARODA FEDERACIJE BIH IZ REDA BOŠNJAČKOG NARODA GLASALO JE 23 ZASTUPNIKA I TO:

ZA LISTU SDA 6,
ZA LISTU RAĐO DŽEVAD 5
ZA LISTU KOZADRA MUHAMED 5
ZA LISTU AKŠAMIJA GORAN 6
ZA LISTU MEKIĆ AMEL 1

ZA LISTU ZA IZBOR DELEGATA U DOM NARODA FEDERACIJE IZ REDA SRPSKOG NARODA GLASALO JE 5 ZASTUPNIKA, I TO:

ZA LISTU ŠUĆUR SLAVIŠA 2
ZA LISTU NAŠA STRANKA 2
JEDAN NEVAŽEĆI LISTIĆ

ZA LISTU ZA IZBOR DELEGATA U DOM NARODA FEDERACIJE IZ REDA HRVATSKOG NARODA GLASALO JE 3 ZASTUPNIKA I TO:
ZA LISTU ANA BABIĆ 2
ZA LISTU VUKASOVIĆ MARIO 1

ZA LISTU ZA IZBOR DELEGATA U DOM NARODA FEDERACIJE BIH IZ REDA OSTALIH GLASALO JE 4 ZASTUPNIKA, I TO:
ZA LISTU NAŠA STRANKA 2
ZA LISTU SEGMENDINA SRNA BAJRAMOVIĆ 1
ZA LISTU SEJO BUKVA 1

Zapisnik i materijali glasački listići su predati na protokol CIK-a koja dalje vodi proces dodjele mandata.

AD – 2.

KONSTITUISANJE KLUBOVA NARODA i KLUBA OSTALIH U SKUPŠTINI KANTONA SARAJEVO

Na sjednici Skupštine od 23.12.2014. godine započeto je konstituisanje Klubova naroda i Kluba ostalih.

Klub Bošnjaka će se sastati u sali br. 100 – sala Skupštine Kantona
Klub Hrvata u kancelariji br. 105 – kabinet predsjedavajućeg Skupštine
Klub Srba u kancelariji br. 105 – kabinet Sekretara Skupštine
Klub Ostalih u kancelariji br. 162 – kabinet dopredsjedavajućih

Nastupila je pauza od 30 minuta

NASTAVAK NAKON PAUZE

Gosp. Ademović je obavjestio prisutne da su formirani Klubovi naroda i ostalih

AD – 3.

POTVRĐIVANJE PRIJEDLOGA KANDIDATA ZA IZBOR PREDSEDJEDAVAJUĆEG I ZAMJENIKA PREDSEDJEDAVAJUĆEG SKUPŠTINE KANTONA SARAJEVO

Shodno Poslovniku klubovi naroda predlažu članove za predsjedavajućeg ili zamjenika predsjedavajućeg, a onda oni između sebe izabiraju predsjedavajućeg.

Ispred Kluba Hrvata prisutnim se obratila poslanik/zastupnik Ana Babić:“Kao predsjedavajući Kluba Hrvatskog naroda želim da vas informiram da smo obavili proceduru predviđenih aktivnosti i donijeli odluku da ispred kluba naroda Hrvata nemamo prijedloga za rukovodstvo Skupštine, a pošto se kolega Mario Vukasović sam kandidirao shodno našem stavu, i zakonskoj mogućnosti, bilo smo suzdržani. Obzirom na ovakvu situaciju u skladu sa Statutom i Ustavom Skupštine Kantona Sarajevo, poduzete su aktivnosti da se ovaj naš stav verificira“.

U raspravi koja je uslijedila učestvovali su Mario Vukasović i Zvonko Marić.

Predsjednik Kluba Bošnjaka Sabahudin Delalić je predložio za rukovodstvo Skupštine predsjedavajućeg ili dopredsjedavajućeg Sabahudina Delalića.

Glasanjem sa 21 glasom ZA, 13 suzdržanih i 1 protiv glas Skupština je potvrdila izbor kandidata Sabahudina Delalića za predsjedavajućeg ili zamjenika predsjedavajućeg Skupštine Kantona Sarajevo iz rada Bošnjačkog naroda.

Predsjednik Kluba Srba Slaviša Šućur, je rekao da oni nemaju kandidata i ono oko čega su se usaglasili da rukovodstvo Skupštine treba da odražava i skupštinsku većinu. Pošto nje nema oni se e nisu izjašnjavali o potencijalnim kandidatima iz Kluba Srba.

Predsjednik Kluba Ostalih Sejo Bukva je predložio za rukovodstvo Skupštine predsjedavajućeg ili dopredsjedavajućeg Seju Bukvu.

Glasanjem sa 25 glasova ZA , 10 suzdržanih, nije bilo protiv Skupština je potvrdila izbor kandidata Seje Bukve za predsjedavajućeg ili zamjenika predsjedavajućeg Skupštine Kantona Sarajevo iz rada Ostalih.

Nastupila je kratkotrajna pauza.

Nakon pauze potvrđeni kandidati su između sebe odlučili da gđin Sabahudin Delalić preuzme mjesto predsjedavajućeg do formiranja kompletnog rukovodstva Skupštine Kantona Sarajevo.

ZAPISNIK SAČINIO
Nalbantić Emir

SEKRETAR
SKUPŠTINE KANTONA SARAJEVO
Abid Kolašinac

PREDSJEDAVALAČI
SJEDNICE SKUPŠTINE KANTONA SARAJEVO
Sabahudin Delalić